

## RIJEČ UREDNIKA

### Elmedin MURATBEGOVIĆ

Poštovani čitaoci,

Novi broj Kriminalističkih tema, izlazi u starom ruhu sa djelomično izmijenjenim sastavom Redakcije. Naime, u prethodnom periodu od četiri godine redakcija našeg časopisa pod "dirigentskom palicom" glavnog i odgovornog urednika dr. Muhameda Budimlića, uradila je veliki posao. Ekipirati redakciju koja će etablirati i afirmirati ovaj časopis iz praktične anonimnosti u respektabilan žurnal, čiji se prilozi referiraju u CSA Sociological Abstract, EBSCO SocINDEX i Proquest Sociological Abstract, predstavljao je zaista "olimpijski poduhvat". Dr. Budimlić, kao glavni i odgovorni urednik, zajedno sa ostalim članovima redakcije uradio je veliki posao i na tome im se svima zajedno treba i javno zahvaliti.



Novi sastav redakcije, kao i prethodni sastavljen je od eminentnih mladih nastavnika i saradnika Fakulteta za kriminalistiku, kriminologiju i sigurnosne studije Univerziteta u Sarajevu, koji u svojim naučnim i istraživačkim karijerama imaju zapaženo naučno-istraživačko iskustvo. Oni nasljeđuju časopis koji danas predstavlja jedan od rijetkih međunarodno indeksiranih u Bosni i Hercegovini. Nastaviti trend razvoja, sačuvati postojeće i dodati nove međunarodne indekse će sigurno biti i izdavačka politika u narednom periodu.

Kriminalističke teme su idealna prilika za afirmirane autore da artikuliraju svoje istraživačke poduhvate u naučnim člancima našeg časopisa, ali ujedno su i prilika mladim istraživačima koji tek započinju svoju karijeru da steknu međunarodnu afirmaciju. Upravo stoga, kvalitet prije svega i animacija što više novih autora, osnovni je strateški cilj naše djelatnosti. Časopis je naravno i nadalje neprekidno otvoren za sve naučne radnike ali i one koji to nisu, a imaju šta reći odnosno napisati o zajedničkoj problematici iz domena kriminalistike, kriminologije i sigurnosnih studija u najširem smislu riječi.

II	<i>Kriminalističke teme</i> <b>Časopis za kriminalistiku, kriminologiju i sigurnosne studije</b> Godište X, Broj 1-2, 2010. ISSN 1512-5505
----	---

Na kraju, šta drugo reći do da Vas ovom prilikom pozivamo da svojim naučnim i stručnim priložima i zanimljivostima iz prakse sadržajno obogatite naša sljedeća izdanja.

S poštovanjem,



Sarajevo, 25.06.2011.